

Gveilinz Lanzdenz Yauzcuz Yangh Cingj Si Minzvej Dawz Vah Siujsoq Minzcuz “Soengq Daengz Ranz”

桂林兰田瑶族乡请市民委把少数民族语言“送上门”

1 nyied 6 hauh, Gveilinz Si Lingzconh Yen Lanzdenz Yauzcuz Yangh youq Lanzdenz Cunh gawjbanh buenq ngoenz Gveilinz Si vah Siujsoq Minzcuz beizyin, cingj Gveilinz Si Minzvej、Lingzconh Yen Minzvej daengj danhveih mizgven lingjdaui daeuj daengz yienhciegz sonyinx, aen yangh neix Funghmuzgwnh Cunh Bouxcuengh beixnuengx caeuq gizyawz siujsoq minzcuz daiqbiuj gungh miz 60 boub vunz daeuj camgya beizyin.

Gveilinz Si Minzvej fucujyin Banh Denhsiu daj Sawcuengh cihmeh daengz sing yinhmeh、ngoenznaengz gangjvahn

yungh daengz caeuq vah lijmau、vah minzcuz gi' gyauj、Bouxcuengh caeuq gizyawz minzcuz gvanhaeh daengj fuengmienh guh liux ciengzsaec cekgej, cekgej cungdenj aeu gihbwnj fatyaem genjdanh gangjvahn ma guhcawj, doiq Bouxcuengh giekdaej haemq ndei haenx couh cungdenj daj daezsang gangjvahn naengzlig caeuq gangjvahn gi-gyauj roengzfwngz, gyahung gvaengh sawloih, ndaej gangj cinj bae, doxcomz giengzvaq gij ginaengz dingq、gangj song fuengmienh neix, caenh' itboub daezsang roxyiuj Vahcuengh suijsingz.

(Liengz Dauh/梁涛)



▲Bouxcuengh nyinhcaen gangj, bouxcuengh nyinhcaen geiq.



▲ Siuhfangzinyenz son lwgnyez baenzlawz dwk 119 denva.

Myauzcuz Beixnuengx Gvaq-ciet Gaxgonq Hag Siuhfangz 苗胞节前学消防

1 nyied 11 hauh, Yungzsuij Myauzcuz Swciyen Gungh' anh Siuhfangz Dadui youq Yanghfwng Yangh Cunghbingz Cunh caeuq Giujduh Cunh mbeguh ci senhconz siuhfangz gvaengxvax gangj hozdung, doenggvaq feizcoemh anqlaeh、daejniemh 119 baugingj denva、hag sawjyung aendaepfeiz daengj, sawj gyoengq vunzmbanj caeuq boub siuhfangzdui gangj goq haenx ndaej naj doiq naj dwk hag siuhfangz cihsis, daezsang ngoenzciet ndaw mbanj feizcoemh yisiz.

Ciuq camz rox, daj bi' gvaq 12 nyied ndawcib daengz seizneix, Yungzsuij Gungh' anh Siuhfangz Dadui gaeng youq 200 lai aen mbanj mbeguh hangh hozdung neix. (Lungz Dauh/龙涛)



▲ Gungh' anh siuhfangz yinzyenz son vunzlai baenzlawz yungh aen ndaepfeiz.

Vanzgyangh: Makgamdiengz Baenz Hongsaeh Diemzvan Vutgungz Vunzlai Siujsoq Minzcuz

环江：沙糖橘成少数民族群众脱贫甜蜜事业

Gaenh geij bi neix daeuj, Vanzgyangh Mauznanzcuz Swciyen mboujduen youhva canjyez gezgou, aeu “gunghsw + gihdi + noengzhoh” gij fazcanj mozsi neix, daiqdoengh Mauznanzcuz、Yauzcuz、Myauzcuz、Mulauzcuz、Bouxcuengh daengj gak cuz vunzlai ndaem makgamdiengz 4 fanh lai moux, bi dawzmak daihgaiq 1500 lai fanh gaen, gai bae daengz Gvangjdungh、Huznanz daengj dieg, vunzlai gai mak souhaeuj dabdaengz 5350 lai fanh maenz, makgamdiengz baenz le vunzlai aen hongsaeh diemzvan baenzfouq ndeu. (Cinz Gvangghoh/陈光科)



▲ Mak gug mak henj mak demsou, nungzminz daet mak riuvauvau.

Gunghcwngz: Mbawmakndae Loenq Bienqbaenz “Mbawgim”

恭城：柿子落叶成了“黄金叶”

Mboengqneix daeuj, gyoengq nungz-minz gak aen yangh cunh Gunghcwngz Yauzcuz Swciyen cingq nyaengqfoenfoen dwk youq ndaw suenmak baet nyaeb mbawmakndae loenqdoek youq lajnamh haenx. Doenghgiy mbawmakndae henj-rwgrwg haenx moix goenggaen gai ndaej maenz ngaenz ndeu. Vihneix, deng dangdieg nungzminz caenciet dwk heuhguh “mbawgim”.

Aen yienh neix ndaem makndae miz cibgeij fanh moux, seizdoeng mbawmakndae deng mwi dwk le gij saek de couh bienqbaenz henjgim henjrwgrwg, raq rumzbaek he ci gvaqdaej le, doengh “mbawgim” neix couh loenqbyoegbyoeg dwk doek roengzdaej bu doh gwnz namh. Aen yienh neix miz aen gunghcangj he cienmonz sou cungj mbawmakndae neix ma daezlien guh va' gungh yienzliuh, sawj doenghbaez mbawmakndae mbouj miz gyaqcienz haenx ndaej gai daengz moix goenggaen maenz ngaenz ndeu. Moix boub vunz ngoenz he ndaej nyaeb 150 daengz 250 goenggaen mbawmakndae. Yienghneix mbawmakndae couh baenz aen yienh neix seizdoeng cungj souhaeuj moq ndeu. (Cing Ciminj/郑智敏)



▲ Mbawfaex bienq mbaw ngaenz, nungzminz riuhaha.